

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-791-1/13
Sarajevo, 5. 4. 2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 01.04.2013			
Preduzeće / područje	Područje / odjel	Broj / Arhiv	Broj / Dokumenti
01-50-1-15-43/13			

PARLAMENTARNA SKUPŠTINA BIH

- Zastupnički dom -

SARAJEVO

PREDMET: Odgovor na zastupničko pitanje, dostavlja se.-

Vijeće ministara Bosne i Hercegovine je na 44. sjednici održanoj 3. 4. 2013. godine utvrdilo Odgovor na zastupničko pitanje koje je postavio Asim Sarajlić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegova dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-791-1/13
Sarajevo, 3.4.2013. godine

Asim Sarajlić, poslanik u Zastupničkom domu Parlamentarne skupštine Bosne i Hercegovine, na 43. sjednici Zastupničkog doma, održanoj 28.02.2013. godine, postavio je sljedeće poslaničko pitanje:

„Kada će Vijeće ministara Bosne i Hercegovine osigurati da sadržaj službenih glasnika BiH putem interneta bude bez naknade dostupan svim građanima Bosne i Hercegovine?“

Na postavljeno pitanje, Vijeća ministara Bosne i Hercegovine je na ~~44.~~ sjednici održanoj 3.4.2013. godine, utvrdio sljedeći

ODGOVOR

Postupajući po postavljenom poslaničkom pitanju poslanika u Zastupničkom domu Parlamentarne skupštine Bosne i Hercegovine, g-dina Lazara Prodanovića, postavljenog na 40. sjednici Zastupničkog doma održanoj 03.01.2013. godine, a u cilju dobivanja sveobuhvatne informacije, Ministarstvo pravde Bosne i Hercegovine je svojim aktom broj: 08-07-26-610/13 od 28.01.2013. godine, od JP NIO „Službeni glasnik BiH“, kao nadležne institucije za primjenu i provedbu Zakona o službenom glasniku Bosne i Hercegovine, zatražilo izjašnjenje, koje je dostavljeno aktom te institucije, broj:4-1-04-1-33/2-13 od 26.02.2013. godine. U navedenom izjašnjenju dostavljeni su podaci, kako slijedi:

Zakonom o dopuni Zakona o Službenom glasniku BiH, utvrđena je obaveza JP NIO Službeni list BiH da omogući besplatan pristup internet izdanju „Službenog glasnika BiH“ svim zainteresiranim licima, bez ikakvih ograničenja.

Stupanjem na snagu pomenutog zakona, dakle 07.01.2010. godine, besplatan pristup je omogućen putem sljedećih web stranica <http://www.sllist.ba> i <http://www.sluzbenilist.ba>.

„Službeni glasnik BiH“ se redovito objavljuje i ažurira na web portalima JP NIO Službeni list BiH, u PDF formatu, zbog kompatibilnosti sa najvećim brojem potencijalnih korisnika (Acrobar Reader, neophodan za otvaranje sadržaja glasila, je besplatan i svima dostupan), te sa platformama na kojima rade naši web serveri (Linux, Windows).

Izvršene su mnogobrojne probe rada servera u svim okolnostima, dodatno je ubrzana internet konekcija kako bi se omogućio istovremeni trenutačni pristup velikog broja korisnika. Svi postojeći servisi pretrage i editovanja dokumenata su prilagođeni potrebama povećanog broja korisnika.

Detaljnim pregledom svih izvještaja (log files) koja se redovno snimaju na servere i gdje su zabilježeni svi događaji, utvrđeni su određeni kraći prekidi, nastali usljed restarta servera zbog update-a na operativnom sistemu, prekida internet konekcije,

preopterećenja zbog broja korisnika u pojedinim momentima (ponedjeljak i utorak, zbog Oglanika javnih nabavki), te redovnog održavanja.

Analizom smo utvrdili da je pouzdanost rada bila veoma visoka, prekidi su bili minimalni i uvijek uslovljeni neophodnošću redovnog održavanja sistema, te da su internet konekcije (u proteklom periodu 3 različita provajdera) bile iznimno pouzdane (radi se o brzinama od 100 Mb/s, veza optičkim kablom).

Internet korisnici, niti u jednom slučaju, nisu bili uskraćeni za mogućnost pregleda glasila, niti je njegovo editovanje na internet stranici kasnilo u odnosu na štampano izdanje.

Dakle, JP NIO Službeni list BiH u potpunosti primjenjuje Zakon o službenom glasilu Bosne i Hercegovine („Službeni glasnik BiH“ br. 1/97, 9/04 i 103/09).